

折光集

Velikaya Scarlet / 赤川晴岚

2019-2026 所写

velikayascarlet@gmail.com

序言

忆昔高中之岁，多有感触，随念成章，篇什累累。至大学四年，反少有诗意涌动，意绪平稳，心气和洽。古人有云：“文章憎命达”，余时或颌首认同。盖人生顺遂，则情感淡泊；情感淡泊，难生悲喜激荡之思。是以此集所收，远逊《觅月集》之丰。

然四年之间，亦非全无思绪。或偶尔感伤，或忽生遐想，或因一人一事一物而叹息，便有片言只语留之笔下。余偶言：「我来到，我思考，我书写。」篇幅虽少，然亦真情流泻；言辞虽短，然皆吾之所思。

及至研修之年，万虑交缠，重若浮石，压肩不息。心境每下，时陷黯淡之域，所书诸章，多映心影，淡写人间之苦。昔之轻灵，渐为凝重；旧之澄澈，稍染忧色。所可慰者，唯数载磨砺，辞章渐熟，气脉通达。自览旧篇，觉其音律可喜，句读顺畅，斯亦不幸中之一幸也。

因而汇此数篇，集为一卷。命曰《折光集》。光之折也，不因其暗，乃介质之异。昔之光可直行，今则回旋映照，变幻之间，自有深趣。余于外地求学数载，行过弯路，历诸波折，未得一帆风顺之坦途；然回顾来程，亦如光之折而不止，曲而愈远，是以命名“折光”。

篇什既寡，难分专章，故不复分章立目，惟循时序，编年而录，俾读者观其心迹渐迁。

1 本科

守空房熬了两宿

2020 年 1 月

星寒灯冷更已深，寂寞无边夜沉沉。
小楼人散归四海，枕上月光是泪痕。

浣溪沙·秋作

2020 年 10 月

秋夜年年细雨绵，翩翩归雁往江南。梧桐树下忆当年。

物换星移三载过，江流月涌五重弯。行歌秀影在人间。

鹧鸪天·二零二一年秋旧病复发

2021 年 9 月

一向悲欢味难分，许多烦恼怨红尘。
自分不是思春者，偏巧还作多情人。
二十载，寂孤身。床前谁与讲如今？
飘零非止风和雨，也有湖边落寞魂。

临江仙·春分后一周

2022 年 3 月

新发芦苇成双立，檐前燕语声声。
柳丝蘸水弄新晴。绯桃才绽处，恰似绮霞明。
无情风物多情我，春愁皆寄残英。
想来星汉亦飘零。今宵归路上，谁者唤私名？

鹧鸪天·壬寅立冬

2022 年 11 月

漫看黄花又一更，梧桐楼下已垂红。
晨间雾浅情初淡，午后天昏愁渐浓。
景幻幻，客匆匆，想听风簌雨淅声。
窗边仍立伤心我，梦里思春未有重。

鹧鸪天·毕业二首

其一

2023 年 6 月

小荷高低又送春，相逢已亥忆仍真。
四年学海浪中旅，谁识如今镜里人？
星暗暗，月昏昏，几多心事已蒙尘。
秋风昨夜吹凉后，须向龙城更北奔。

其二

2023 年 6 月

湖前莲影粉已加，年光冉冉漏中沙。
曾看晨雾化酥雨，也见春雪抱绿芽。
拨柳絮，点香花，此一别后散天涯。
明年今日谁相问，独在青城看落华。

2 硕士

蝶恋花·秋日晴天院子里晒太阳养病见到蝴蝶有感

2024 年 10 月

岁序匆匆秋已暮。病体如囚，倦对黄花圃。
败叶苍苍零四处，残枝默默堆无数。
蝶儿成双檐下舞。似觅春踪，欲近翩然去。
刹那孤独谁可语？消磨尽，柔肠侠骨。

破阵子·立冬后感秋

2024 年 11 月

塞北青山向晚，漠南寒雾添风。
衰草飘萧霜里瘦，冷露侵阶泣到明。
秋声哪忍听？
眼底明珠遗恨，怜心怎可销停。
每念当年情切切，无奈今时意难平。
夜长卧不宁。

八声甘州·五月二十四日时隔七年再见芙未

2025 年 5 月

看京华浮翠映长空，风物正堪量。
纵星霜几换，蛾眉未改，还似初妆。
重诵君词半阙，双颊染霞芳。
漫拾流年事，细数琳琅。
「来阅旧笺新稿！」问毫厘意趣，字句宫商。
话青衫碎梦，纤指理琼章。
忽惊觉、斜晖渐短，怕凝眸、执手泪盈眶。
晴岚后、有香山月，代照西窗。

临江仙·六月十五日雨夜梦与故人游

2025 年 6 月

塞上轻雷惊客枕，披衣独对帘栊。
几回梦里与君同。溅珠跳瓦隙，滴碎故园桐。
我自漂零人自老，世间何物从容？
蓼花柳叶各西东。谁知今夜泪，与雨共稠浓。

鹧鸪天·乙巳六月代韩梦慧忆旧并序

序：韩梦慧，与我同乡。虽少我一岁，然德馨如兰，才情胜雪，每使余自惭形秽。今闻其遭逢坎坷，生涯多舛，既困于稻粱之谋，复厄于时命之舛。想其终日劳形案牍，恐无暇追怀旧事。余感其境，故代其笔作鹧鸪天四首以怀之。

其一：念世子

2025年6月

似蝶穿花偶驻程，春烟词笔记初盟。
梧桐月映君眉浅，杨柳风摇我鬓轻。
山失色，水无声，如今各看一窗晴。
中宵起坐翻陈墨，半字相思写不成。

其二：忆郑轻

2025年6月

踏碎芳花觅故容，湖东依旧满梧桐。
垂丝戏水惊鱼梦，云絮裁风补碧空。
春已尽，夏方浓，两年秋色太匆匆。
天涯散尽同游者，独坐苔阶对影中。

其三：与友人

2025年6月

向晚车尘没客途，凯旋路外暮云疏。
经年未见情如旧，一笑相逢语似珠。
星作枕，月为庐，从今莫再减腰襦。
临歧欲寄无他物，袖底分君半抹朱。

其四：在家中

2025年6月

弃笔丢诗三载霜，光阴裁作柳丝长。
抱猫闲数轩窗影，呵手空摹旧墨行。
听更断，抚纹凉，晴来犹怯试春裳。
偶然拾得残笺句，始觉神魂未死僵。

苏幕遮·参加六十三届计算语言学协会年会 途径多瑙河畔作

2025年7月

远天青，晴水细。塔影摇金，昼色澄如洗。
浪递潮声萦耳际，白舸横江，忽觉身非己。
抚栏痴，疑梦里。旧岁萤窗，未敢轻相似。
今日长风盈袖底，认取河山，刻作星霜记。

忆江南·姑苏三首

其一

2025年11月

江南好，一梦到姑苏。
巧借粉窗分水色，暗偷烟柳染青蒲。
金桂落园庐。

其二

2025年11月

江南好，重聚在姑苏。
灯影浮秋星欲醉，橹声摇梦水如酥。
渔火伴归舻。

其三

2025年11月

江南好，别后想姑苏。
鸿雁无踪沉远信，秋塘有泪漫平芜。
思念不堪梳。

浣溪沙·送春

2026年3月

岁岁东风似旧时，年年光景各参差，前尘后事两难知。

树去年行客远，枝头今日落花迟，低吟一曲送春词。

鹧鸪天·暂时无法见面

2026年4月

或许杨花偶作群，东风吹散怎成邻。
小窗闲倚听更漏，久未逢君懒画唇。
红豆老，泪痕新。一笺月色浸衣巾。
醒来不愿重头睡，想听卿卿梦里嗔。

在初夏写冬天

2026年5月

久未逢君懒画唇，冻云垂野雪纷纷。
寒江一色孤舟远，惟见芦花似故人。

浣溪沙·夏天的开放式结局

2026年6月

未有奇缘证此身，书山铅字刻年轮。做题声里寄青春。

信是远邮终到海，山须自跨亦劳神。一笺一页一乾坤。

临江仙·胡思乱想

2026年6月

一缕游丝牵远梦，萦回百转难收。
心猿奔处是汀洲。星槎银汉渡，蝶翅楚云留。
半世光阴针脚里，织成多少春秋。
闲来检点旧温柔。千般皆似线，穿起许多愁。

鹧鸪天·恨海情天

2026年6月

鉴于作者是 *demiromantic*，所以爱只一回眸底生不太可能。

觅海寻涛万里行，看天抬首便相迎。
恨需千种缘由砌，爱只一回眸底生。
潮未定，月微明。长空望断水云平。
情天孽海无涯岸，何处孤帆认去程。

浪淘沙·要走了

2026年6月

潮信本无由，涨落难收。君看沧海纳千舟，却道锚绳偏系处，不是同流。

旧雨向新畴，各有春秋。莫将肝胆照冰丘。情字从来如对弈，着子即休。

浣溪沙·Prepend 芙未「居在老家新作客」句

2026年6月

野径槐花挂青萝，故人书信几重讹。晚风翻过小山坡。

居在老家心作客，梦回旧友日如梭。新词赋罢与谁歌。

七律·出门吃火锅加了肥羊

2026年7月

注：火锅是小小宋吃的

四十二元销一釜，肥羊奢侈慰馋躯。
灯明未改来时色，胃暖新添别后酥。
人海浮沉皆小料，风尘浓淡似中厨。
忽然忘了身何在，笑指长街月如珠。

离乡二首

其一

2026年7月

故国重回我失春，苔深阶暗覆轻尘。
折花惜已非君手，掸雪悲犹作客身。
往事随风空有迹，孤怀对月自难亲。
归期莫问何年是，只道青山不认人。

其二

2026年7月

孤舟何事滞归年，此夜江声到枕前。
篷背雨痕犹未去，汀边芦苇已萧然。
披衣起坐浑不寐，顾影徘徊独可怜。
欲写家书无片纸，一灯如豆对愁眠。

浣溪沙·遥寄椰椰

2026年7月

雨访深窗暑气阑，闲翻消息到更残。葡萄新买放冰盘。

未寄鱼书先搁笔，空题雁字总删言。「浦江此夜可平安」。

浣溪沙·次椰椰「遥赠 V 君用歌韵」

2026年7月

风卷翠荷挟暑过。蝉声沸上小庭萝。此心遥寄可收么。

万里不辞如一梦，三生未晚岂蹉跎。与君雨夜扣舷歌。

浣溪沙·重读之前的诗集四首

其一

2026年7月

命似经纶手自搓，千丝万缕织成罗。一梭风雨一梭歌。

纸上浅深皆涕泪，字中温冷即蹉跎。此生难改是情多。

其二

2026年7月

命似小舟夜自行，千弯百折过来程。一篙烟雨一篙星。

浪里高低皆往事，篷前聚散是人生。浦江灯火渐分明。

其三

2026年7月

命似孤根我自栽，千培万剪长成材。一番霜雪一番开。

满树荣枯皆岁月，半身斑驳是苍苔。他年浓荫待人来。

其四

2026年7月

命似新醅夏自藏，千催万酵始成香。一坛醒醉一坛霜。

瓮里浊清皆故事，杯中冷暖是炎凉。开时明月满西窗。